

Илбагъандан белчудила бетуцлизир хлябалра бяхичибиз дарх дузахъес гягъибиркур, цалра геллахъебяхъили.

Ишди программабани дарган мезла дурсрачиб дурхнала хатI укъдиклахънила чебкатси хлянчира бузахъни тIалаббирусисаби. Дарган мезла учительличи чебси саби бучантала хатI къугъати диахъес къайгъилизив визсра.

Чедирти (5-11) классунала бучанти жузачил сабил пайдалабирахъес бурсибирниличи аницIуьк бетикес гягъиниси саби, сенклун учитель даим мякълав хлейрар , багъудлуми биалли лерилра гямрулизир кайсес гягъинити сари. Ишди программабани цабутIаван жузазирад чус чули багъудлуми кайсахъес дурхни бурсибарнила мурадIа тIашбалтуси саби.

Гергъиси замана Дагъистайзир миллатунала мез дучлахънила шайчир гяхIцад далдуцуни дурадуркIули сари: бехIбихъудла классуназир арагIерлира-сера лерил дурсри (гъайгъайра, хасси предмет саблин , урус мезла дурсри халхIедарили) миллатла мезличил кадирхъни; урга даражала чедирти классуназирра булан(10-11) миллатла мезани руркънилис хаста сягъатуни декIардарни, сарира гъалар агарти; шагъуртала школабазирра Дагъиста декIар-декIарти миллатунала дурхнала хаста къукъни цаладяхъили, нешла мезла дурсри кадирхъни.

Ишди сагати програмаби хIясибли дарган мез 11 ибил классличи бикайчи делчлахъес чебихъуси саби, илхIелпира гъалар урдалтули дуибти грамматикала бутIнира алаведуили: фразеология, стилистика, орфоэпия, диалектология. Ишди программабани дарган мез гъаларичир тIинтIли ва мухъли делчлахъес тIалаббириули саби.

ИшхIелла манзилла тIалабуни ва мурадуну хIясибли, дарган мезла шайчир бучантала имцIали саркъибти ва гIячихъти бурсидешуни дизс гягъинити сари. Чедирти классунала цацабехIти дурхни жягъялла студентуни сабину, илди, практикалалашал ахIенну теориялалашалра гIяхIил хIядурбиубтили бизс гягъинити саби. Илбагъандан ишди программабани мезла цацадехI къиянти суалтачира бучантала пикри битIакIес ибси масъала тIашбалтули саби.

Гъайгъайра , 10-11 ибти классуназир дарган мех дучнилис чедаахъибти сягъатуни камти сари (жумягIлизиб ца сягъат). ВецIибил класслизир чедаахъибти 34 сягъатли лексика, фразеология, стилистика, фонетика ва морфология делчIес гягъинили сари , 11 ибил класслизиб_синтаксис. Камли сари илди сягъатуни.

Илбагъандан учительлис маслигIятбируси саби , гъалар делчлунти темаби тикрардирули, илди сагати баянтачил чедицлахъни, гIергъити дусмала гIилмула сархибдешуначи хъарихъули, дурхнала багъудлуми тIинтIдиклахъни.

ИшхIели даргала гIяхIцад гъалабяхI арбяхъунси ва мягIичерти чедибдешуни сархибси художественная литература леб , сунезирра лерилра-сера жанраби ва жураби акIлахъубси. Ил литературный мезличил белкIунси саби.

Гъарли -марли чекабизурли ва бархъли , сегъунтилра гъарацIдешуни агарли, даргала литературный мезличил гъайбикIнила бурсидешуни тIалабдирули сари бучантазирад ишди программабани . Илала дурабад, дурхнани гIячихъли багъес гягъиниси саби даргала литературный мез акIнила история ва илди къулайдиклахънила шайчибси гIялимтала ва педагогунала хIянчи.

Урга даражала школа таманбириути дурхнани литературный мезла(орфоэпияла) къядуртачил дарх лукIнила къядуртира укъли далес гягъинити сари.

Дарган мезла дахъал диалектуни ва лугъатуни лерни гIячихъси саби. Дурхнала дахъалгъунти хатIабира илди лугъатунала хъулчиличир алкIули дирар. Илбагъандан программабазиб пикри бяхIчиули саби дарган мезла диалектунала ва лугъатунала хIекълизирра дурхнала белгити багъудлуми диахъниличи.

Дарган мезла дурхнала творчестволаси бяхIчибиз бяхънира лайикъсили чебиули саби. Илбагъандан халкъла мухIлила произведениеби(хабурти, далуйти, буралаби, багъираби, фразеологизмаби) дурчниличи декIар-декIарти поэтунала ва писательтала